

ORDENANZA Nº 13 REGULADORA DA TAXA POLA OCUPACION DE TERREOS DE USO PUBLICO CON MERCANCÍAS, MATERIAIS DE CONSTRUCCION, ESCOMBROS, VALLAS, PUNTALES, ASNILLAS, ANDAMIOS E OUTRAS INSTALACIONES ANALOGAS.

Art. 1.º. Fundamento e natureza.

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora das Bases de Réxime Local e de conformidade co disposto na Lei 39/1988, de 28 de decembro, este Concello establece a Taxa pola ocupación de terreos de uso público municipal con mercadorías, materiais de construción, refugallos, valados, puntais, asnillas, andamios e outras instalacións análogas.

Art. 2.º. Feito imponible.

1. Constitúe o feito imponible da taxa a utilización privativa ou aproveitamento especial do dominio público municipal polos conceptos que se sinalan no artigo primeiro ou outros análogos coma guindastres para a construción.

Art. 3.º. Suxeitos pasivos.

1. Son suxeitos pasivos contribuíntes as persoas físicas ou xurídicas e as entidades as que se refire o artigo 33 da Lei Xeral Tributaria, que disfruten ou aproveiten especialmente o dominio público municipal en beneficio particular, consonte algún dos supostos citados no artigo segundo ou quen se beneficie do aproveitamento se se efectuou sen a preceptiva autorización.

Art. 4.º. Responsables.

1. Responderán solidariamente das obrigas tributarias do suxeito pasivo as persoas físicas ou xurídicas ás que se refiren os artigos 38.1 e 39 da Lei Xeral Tributaria.

2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

(incremento IPC Xeral dende maio de 2012 ata xullo de 2013: 1,3 %):

Art. 5.º. Cota tributaria.

a) Por ocupación con materiais de construción similares:

- Por m² ocupado ou fracción, 2,02 € polo período correspondente, cando a ocupación non exceda de 15 días.
- Por m² ocupado ou fracción, 4,05 € polo período correspondente ou cada mes, cando a ocupación dure máis de 15 días.

b) Por ocupación con mercadorías para venda ambulante, excepto en festas de As Quendas, Remedios e San Lucas, 0,628 €/m² por día ou fracción.

Art. 6.º. Beneficios fiscais.

Só se admitirán os beneficios que veñan establecidos nas normas con rango de lei ou deriven de tratados ou acordos internacionais.

Art. 7.º. Devengo.

1. A obriga de pago nace desde a concesión do aproveitamento solicitado, efectuándose o mesmo por ingreso na Tesourería Municipal con anterioridade á entrega da correspondente licenza ou autorización, non permitíndose a ocupación ata que se realice o pago.

2. As cantidades esixibles liquidaranse por cada aproveitamento solicitado ou realizado sendo irreducibles polo período autorizado.

Art. 8.º. Infraccións e sancións.

2. Cualificarase como infracción tributaria simple o incumprimento do deber de solicitar a autorización ou licenza con carácter previo á utilización privativa ou o aproveitamento especial. Igual cualificación terá a ocupación superior á solicitada en tempo ou superficie e non poñer a disposición da Policía Local o xustificante ou documento de autorización cando lle sexa requirido nas funcións de control, inspección e vixilancia. Tales infraccións sancionaranse cunha multa de 6,01 a 901,52 euros por cada infracción simple cometida.

3. Cando se trate das obras que se executen inmediatamente polos graves prexuízos que a demora puidese producir poderán iniciarse as obras sen obter previamente a autorización municipal, sen que isto constitúa infracción tributaria. Neste caso o suxeito pasivo solicitará a licenza dentro das corenta e oito horas seguintes ao comezo das obras e xustificará a razón da súa urxencia. O incumprimento desta obriga será sancionable como infracción tributaria simple nos termos regulados no apartado 2 anterior.

Art. 9.º. Xestión.

- As persoas ou entidades interesadas na concesión ou autorización para realiza-los aproveitamentos sobre o dominio público municipal o que fai referencia esta taxa deberán presentar unha solicitude por escrito na que se detalle o lugar para que se solicita.

- No suposto que se produciran desperfectos no pavimento ou nas instalacións da vía pública os titulares da licenza ou autorización deberán reintegrar o importe dos gastos de reconstrución e reparación derivados dos danos causados.

DISPOSICION DEROGATORIA.

Queda derrogada a anterior ordenanza nº 13 reguladora da taxa pola ocupación de terreos de uso público con mercancías, materiais de construción, escombros, viarios, puntais, aspillas, andamios e outros instalacións análogas

DISPOSICIÓN FINAL.

A presente ordenanza foi modificada no Pleno do Concello en sesión de 26 de setembro do 2013, entrará en vigor e producirá efectos a partir da data da súa publicación definitiva no BOP nº 280, 7 de decembro do 2013 , permanecendo en vigor ata que se aprobe a súa modificación ou derogación expresa.